

5
I. N. 7.

METEORI IGNEI

in Aere nuper Conspecti
CONSIDERATIO PHYSICA,

QUAM,

Sub PRÆSIDIO

JOHANNIS JACOBI
Waldschmied/

ARCHIATRI CASSELLANI, MEDI-
CINÆ DOCTORIS, Ejusdemq; PROFES-
SORIS PRIMARIJ, PHYSICES autem
ORDINARIJ.

Publico submittit examini

d. 5. Januarii, ANNO 1683.

JOHANNES PHILIPPUS

Ludolff/

Grebendorffensis Hassus.

MARBURGI CATTORUM

Typis JOHANNIS JODOCI KÜRSNERI, Acad. Typogr.

20

THE
MILITARY
JOURNAL

in Accordance with the
COAST GUARD REGULATIONS

JOHN A. JACOBI
Editor

Published by
JOHN A. JACOBI
100 N. 3rd St. New York

JOHN A. JACOBI
Editor
100 N. 3rd St. New York

The Journal is published
for the Proprietor
by
JOHN A. JACOBI

Q. D. B. V.

§. I.



Uanquam admirabilis quædam & eleganti serie adaptata scientiarum conexio faciat, ut omnes inter se aptæ colligatæque videantur, naturalis tamen quæ vocatur illam habet prærogativam, ut cœteris disciplinis lucem inferat, neque ab illis ullatenus dependeat; Magnam enim rerum tum copiam tum varietatem complectitur, ut æquè illa sibi vindicet quæ in sublimi aere generantur, ac illa quæ in terræ visceribus gignuntur. Quare non verebor pagellis hisce aliquot horarum meditationes de meteoro ignito nuper in aere conspecto ita adumbrare, ut ejus causæ in apricum ducantur, & stupendi hujus phœnomeni effectus, quantum ad nos spectant recenseantur, sperans fore, ut benevolus Lector eo majori sedulitate animum ad hæc sit applicaturus, quo magis natura ita comparati sumus, ut ea quæ supra nos sunt plerumque admiremur, ea verò quæ vel infra vel circa nos sunt quandoq; alto despiciamus supercilio, imò vix consideratione aliqua digna habeamus Hinc enim est, quod insolitæ apparentiæ in orbe erudito plerunq; turbas excitet,

cum ad illorum conspectum ferè unusquisq; philosophari velit, ne in illis qui supra nos fiunt ignotus hospes audiat. Sunt qui ad arma statim provocant, imaginario quodam fastu omnium rerum causas in triumphum ducentes, hi gloriolam calamo aucupari satagunt, quorum spiritus mole suâ turgidus & intra atmosphæræ terminos contineri nescius auram liberiores exoptat, quo eo tumidior per orbem divagari & vana quædam auguria & præconcepta vaticinia in vulgus spargere possit, qui tamen horas suas non raro adeò malè locant, ut facilè credideris, larvatum illum *Philander von Sittenvald* non ineptè somniâsse, hoc Scribax hominum genus proptereâ graviori in inferno affici supplicio. Ne itaque idem subire fatum cogamur, arduum hoc argumentum ex cathedra physica ita enarrabimus, ut ante omnia ineffabilis Dei bonitas, Potentia & sapientia inde elucescat, ipsius verò naturæ pulchritudo omnium oculis conspicienda exponatur. Tu elementissimè Deus nostris annue cœptis, ut credamus Te ad Majestatem & Sapientiam tuam in mirabilibus tuis manifestandam nobis quandoque phœnomena in alto suspendere atque oculis nostris exponere.

§. 2.

Apparuit non ita pridem sole ad occasum vergente meteorum quoddam ignitum sive globulus igneus, ab oriente in occidentem per aerem trajectus, post subitanæ deflagrationem relinquens fumum paulò spissiore, qui in mucronem acuebatur, innitens basi serpenti formi, quam aliquandiu in aere perstitisse vidimus mucronata ejus portione brevi post deflagrationem evanescente.

§. 3.

FLuxum hoc phœnomenum Meteorum appellavimus, tum quod in aere appareret, inque hanc suam faceret impressionem, tum quod ab exhalationibus ibidem collectis & accensis ortum duxisse persuasum haberemus, idq; insequentibus solidius demonstraturi simus. Communis equidem omnium Meteororum materies est vapor in genere sumtus, ut exhalationes & fumos simul sub se comprehendat. Notum enim est, vapores propriè ex aquâ, exhalationes verò è terra & succis terrestribus attolli, sed valeant jam verba tantum quantum possunt, modo in re ipsa conveniamus.

§. 4.

Verum operæ hic erit pretium, ut antequam causas stupendi hujus phœnomeni in scenam introduxero, pauca quædam de ignis natura & modo fiendi ex CARTE-SIO, à quo omnes ferè hodierni physici habent quod de igne scribunt, præmittantur. Dicimus autem ignem esse congregationem vel congeriem materiæ primi Elementi. juxta hypothesein, elementa ad tres classes revocari debere, cum omnia corpora hoc universum constituentia sint vel lucida, vel pellucida, vel opaca; sive corpora lucem emittentia, transmittentia & remittentia. Generatur autem vel producitur ignis, quoties partes terrestres (præsertim si sint naturæ sulphuræ) innatant materiæ primi elementi, & ab ejus perniciosissimo motu ceu scobes ligni à torrente abripiuntur, in quo vera nostri ignis natura consistit. Observari itaque velim, omnia corpora combustibilia esse porosa, materiæ primi & secundi elementi pervia, aut in flammam non abire, nisi pori ita adaprentur, ut particulæ inde abraasæ solius materiæ subtilissimæ vel primi

elementi motu, exclusis globulis æthereis, abripiantur, qui alias impediunt, quominus particulae terrestres perniciosum istum materiae primae Elementi motum sequi queant. Posita itaque hac circumstantia ignis illico producitur, prout in silice chalybe percusso, in calce viva ab aqua aspersa incalescente, nec non liquoribus stygiis, metallo vel butyro antimonii affusis, videre est.

§. 5.

Hæc lucem foenerantur ex SYLVANI Physica, quam à Magistro suo CARTESIO mutuatus est, cap. XI. Thes. 18. pag. 376. ita scribentis: *Ignis igitur primum alicubi excitatur expulsionem secundi elementi ex intervallis quarundam particularum terrestrium, & confluxu primi eodem. Idque tantâ copiam quæ luceat & ardeat, terrestribus scilicet particulis, in materia primi elementi natantibus, & celerrimò ejus motu raptis & quaquaversum impulsis. Nec refert à qua causa particulae terrestres primum moveri incipiant. Nam si tantum materiae primi Elementi innatent, & cingantur ab ea exigua licet quantitate presente, protinus celerrimam agitationem acquirunt & ignescunt.*

§. 6.

Quod si consideremus, quam varia effluvia corpora etiam solidissima & valde compacta exspirare soleant, præsertim si vel levissimus calor accedat, prout in poculo emetico aliisque innumeris ne gemmis quidem exceptis videre est, non sine ratione statuitur, aerem commune illud vaporum vehiculum, instar camini vel spongiæ cucurbitæ impositæ quotidie omnis generis vapores fumos & exhalationes è tellure suscipere, quæ postmodum ipso in aere varie combinantur, agitantur, & qualicunque modo vexantur, hinc alio statim sub schematismo

matifmo apparent, variaque & non raro stupenda phœnomena nobis conspicienda exhibent.

§. 7.

QUo ipso tamen non inficiamur, è planetis quotidie quid exspirari, & subjecto aeri quoq; transmitti posse, cum corpora illa æquè mutationibus nonnullis sint obnoxia, ut è maculis ipsorum faciem quandoque obtegentibus facile colligi potest, quæ si non sola, saltem aliis vaporibus & exhalationibus commixta, tempestatem aliaque insolita phœnomena in aere producere apta nata sunt, ut non malè PARACELSIUS scribat, transmitti à stellis salem sulphur, & mercurium ipsum in aerem, quæ ibidem non secus ac arbores terræ suos fructus producant; modo hæc aliaque PARACELSI ratiocinia à caligine liberentur, quam author studio afflasse videtur

§. 8.

QUibus nunc præmissis via ad causas indagandas magis erit expedita, in quarum ordine exhalationes omne ferunt punctum, quæ natura sua facile accensiles ipso in aere flammam concipiunt, quamvis enim aliis vaporibus qui aquosæ sunt prosapiæ immixtæ rariùs accendantur, tamen ubi compedibus solutæ sui fiunt juris, & vel à contrariis ventis convelluntur, vel intra angustam nubium intercapedinem impetuosiùs comprimuntur, tunc concitatori motu irritatæ statim in ignem abeunt, id quod innumera alia experimenta è mechanica desumpta abundè satis confirmant.

§. 9.

NEque tantus semper requiritur ad ignem producendum apparatus, equidem sufficere potest, si salia calore solis meteorisata & concitatus mota exhalationum
ful-

sulphurearum poros ita subeant, ut harum particulæ vel impetuosius vibrentur, vel saltem ita obstruantur, ut non nisi materiæ mundi subtilissimæ ingressus & transitus concedatur: eo ipso enim momento magna statim lucta excitabitur, particulæque terrestres motu illo perniciosissimo abreptæ ignem constituent, quia unica etiam hæc circumstantia satis efficax est ad meteorum ipso in aere producendum, quod eo longius durabit, plusque terroris & periculi comminabitur, quo major exhalationum aderit copia, ipsaque salia nitrosa sulphuri plus minùs erunt confusa.

§. 10.

QUis autem inficiabitur, aerem hoc ipso tempore hyberno quo meteorū igneum conspiciebatur copiosissimis exhalationibus imprægnarū fuisse? si recordari velit, præcessisse æstatem valde pluviosam, fulgura & tonitrua solito rarius apparuisse, argumento: in æstate exiguum exhalationum portionem, per deflagrationem periisse, hinc superveniente postmodum hyeme solito calidiori eò facilius ignes in aere fuere producti, cum sic nihil defecerit, quod vel exhalationum proventum vel earundem accensionem efficacius promovere potuisset. Eadem ferè anni septuagesimi sexti in Italia fuit conditio, quo trigesimo primo martii insolitū prodigium & meteorum igneū in aere Florentiæ apparuit, de quo vide *Ephemerides Gallorum An. 76 p. m. 136 et seq.* ubi itidē observatum fuit, præcessisse æstatem solito frigidiorē, ex quo author concludit, exhalationes vix ad mediam aeris regionem potuisse elevari, ibique suspensas permansisse adjuvante extraordinaria autumnī humiditate, donec superveniente insolito hyemis calore altiùs elevata, & à ventotum motu agitata, fuerint accensæ.

NOtatu quoque valdè dignum est, eo ipso die nempe 5^{to} Decembr. quò meteorum igneum nobis sub conspectum venit, aerem fuisse nebulosum, donec discussis circa vesperam vaporibus aquosis valdè serenus apparuerit; quia vapores divortium ab exhalationibus in superiori aeris regione facientes vi gravitatis ad inferiorem aerem præcipites ivère, vesperi verò sol occidens radios longissimos & lucidissimos sursum versus projicere videbatur, à quibus exhalationes fortè concentratæ flammam conceperunt, ut pressæ ab aere ambiente, vel vento ex oriente in occidentem flante, sub globi ignei forma versus terram sint delapsæ. Remansit aliquandiu fumus in basi paulò spissior, argumento: partes crassiores terrestres & viscidiores sulphureis fuisse immixtas.

VErùm enim verò nondum omnis superata est difficultas, cùm duo adhuc quæri possint. 1. Quare globus ille igneus non more pyrobolorum sursum ascenderit, cùm instar ignis missilis ipsum aerem peragraverit? 2. An hoc meteorum in aere an verò in loco ipso aere superiori apparuerit? Primum quod attinat, observari velim: omne corpus semel motum eò versus semper moveri, ubi minorem reperit resistantiam, itaque facile fieri potuit, ut adjuvantibus pressionem ipsis radiis solaribus, accedente quoque ventorum impetu, ignis iste semel accensus deorsum motum suum abolverit, ipsa massa combustibili symbolum suum quoque conferente, quæ aerem subjectum vi suæ gravitatis eò facilius dividere potuit. Deinde notandum etiam venit, quod nequaquam sit ignis proprium semper sursum moveri, cum ipsa corpora subjecta quoque depa-

B

scere

fcere soleat, & quamvis in decantato illo pulvere fulminante, qui ex sulphure Nitro & Tartaro paratur, vulgò observetur, quod omnem suam vim sursum exserat, potest tamen unò vel alterò ingredientre superaddito ita coerceri, ut mutata facie in posterum deorsum agat, quòd facile ad oculum demonstrari potest. Quæ eò faciliùs quis concedet, quo magis attenderit ad stupendum auri fulminantis effectum, cujus operatio pulveris pyrii operationi plurimùm est contraria, ut enim hìc vim suam per superiora ascendendo exserit, ita illud è contrà pèr inferiora deorsum saltem operatur, nisi obex ponatur, qui vim illam per inferiora agendi infringat, hinc non mirandum, quod, cum WILLISIUS duo hujus pulveris grana cochleari argenteo indidisset, & Thaleo illud obtegisset, subdita lucerna validus brevi insecutus sit strepitus, tanta cum violentia, ut accensus pulvis foveam in fundo cochlearis ferè ad perforationem imprefferit, ipsum vero nummum ad rectum usque camerae projecerit. Certè hoc phœnomenum plures in admirationem rapuit, qui nempe fieri possit, ut calx ista solaris parùm etiam incallescens tantum queat edere effectum? Nos missis rationibus quas CROLLIUS in scenam introducit, quæque vappescentem nimis redolent antiquitatem, totum arcanum in pororum calcis dispositione & particularum salinarum intimius ipsi conjunctarum rigiditate earundemque motu perniciosissimo latere statuimus. Plura qui de hoc parvo mundi miraculo desiderat, evolvat SCHOTTI *magiam pyrotechnicam.*

S. 13.

Alterum quod attinet an in aere meteorum hoc apparuerit, an vero locus aliquis ipso aere superior pro patria assignandus sit? Nos solidis muniti rationibus statuimus illud in aere apparuisse, nec aliam peragrasse regionem, quam quæ ejusmodi meteoris familiaris esse solet; Et quid opus est in re tam clara prolixius divagari? quanquam enim illa videatur obstare difficultas, quod stante nostra assertione vix possibile videatur, quomodo fax in aere accensa in locis longe à se invicem diffitis etiam uno eodemque tempore videri potuerit, id quod tamen factum fuisse unanimi omnium consensu assertitur, tanti tamen non est momenti, ut ad sidera cœli excurrere cogamur, si enim Mathematicis credendum, ipsorumq;

calculus rectè sit positus , quod nempe aeris regio ad viginti quinque milliaria in altum porrigatur , certè quæ in superioris regionis tractu exhibentur non minùs in locis valdè diffitis cerni poterunt, quam flammæ, quæ è vertice montis ignivomi *Ætna* dicti eructantur, hæ autem in ipso *Melita* insulæ portu cernuntur, quæ 40 milliariibus germanicis à littore Siciliæ abest. Quid de altissimis dicemus montibus, qui è longinquo videntur, sic teste *VARENIO* in *Geographiâ* p.m.69. Vertex montis *Pico de Teraira* in insula *Teneriffa* in mari conspicitur ab intervallo sexaginta milliarium, quorum omnium limites tamen nondum ultra mediam aeris regionem extenduntur, ut vel propterea ignis in superiori regione accensus eo magis conspici debeat. Ipsa quoque *aurofla* nostram assertionem confirmat, quandoquidem ignitum meteorum *Florentia* exhibitum, cuius superius mentionem fecimus, uno eodemque tempore plurimis in locis valdè etiam diffitis visum fuit, quod quamvis miretur Celeberrimus *CASSINUS*, non audet tamen illud ex aeris regione proscribere. Multum fortè etiam juvit, quod circa vesperam hic ignis nobis apparuerit, quo tempore actio luminis eo efficacius per aerem longè latèque fuit diffusa.

§. 14.

PRiusquam colophonem huic dissertationi imponamus, pauca adhuc de effectu hujus insoliti & prodigiosi ignis dicenda veniunt ; quamvis enim unusquisque ferè hic loquatur , prout animi passiones in eo præpollent, nostrum tamen erit, in his devoto pectore Dei admirari potentiam, & cum insoliti quid hic observemus, pietatis erit ad ea phænomena obstupescere, eaque piò intueri horrore, animum quoque inducere ad credendum, insolitos aliquando subsecuturos effectus. Latet in aere occultus vitæ cibus, quem animantia juxta ac vegetabilia ex eo hauriunt. Hic est ille Monarcha, qui ornare solet sua habitacula id est orbem universum, primum virore latissimo, dein mille variegatis coloribus; poterit itaque à peregrinis & sylvestribus effluviis ita corrumpi, ut Spiritus iste vitalis, quo cuncta animantur, labem contrahat, nobis terræ incolis cœterisque animantibus & vegeta-

vegetabilibus inimicam. Nec est quod regeras, aerem potius sic depurari, cum ipsi etiam medici jubeant eum in finem tempore pestis luculentos hinc inde exstruere ignes, ratio enim habenda est materiae quae accenditur, ipsique igni pabulum suggerit. Si haec spiculis venenatis abundet tantum abest, ut aer purificetur, ut potius inficiatur. Experiuntur hoc non sine sanitatis dispendio imo quandoque vitae discrimine ii, qui in figendo ☿ vel arsenico nimium sunt occupati, à quorum mineralium fumis aer virulentâ contaminatur intemperie. Et quemadmodum pyrobolis antimonium additur, ut spargant ignem valdè candidum, ita ignea illa in aere meteora de gas antimoniali vel arsenicali non raro participant, à quo certae aeris portioni peregrinus & hostilis imprimi-
tur character. Sursum itaque corda! non ad naturam sed ad naturae Authorem hinc fugiendum, cujus Majestas tam facilem se nobis prae-
bet, ut etiam ex his phaenomenis eam mediocri cura & studio cognitam & comprehensam habeamus, neque necesse sit, aut in Democriti puteum descendere, aut in exosas & plurium ingeniis non accomodatas incidere dubitationes, cum quisque qui apertam rerum naturam paulisper perspexerit, ab omni re Deum esse discet, ut merito cum egregio Theologo PARKERO dicamus, si hoc Divinum Numen in omnibus nostris actionibus debita pietatis ratione coluerimus, mox inde fructum & pietate nostra & Dei providentia dignum, percipiemus, ut aliis omnibus benefici nobiscum vero tranquillī simus; ut pulcherrimè omnem fortunam feramus; ut mortem sine vitae fastidio contemnamus, vitamque sine mortis metu transigamus; ut denique solidâ beatae immortalitatis spe semper erecti in summa
felicitate & vivamus & moriamur.

F I N I S.